

國醫小叢書之十六

傷

羅東生著

寒

捷

徑

上海國醫書局印行

中華民國二十六年三月再版

國醫小叢書之十六

傷寒捷徑

全書一冊定價一角

版權所有 禁止翻印

著者 羅東生

校者 俞卓茂

出版者 上海國醫書局

發行者 上海中醫書局
山東路廿六號

代售者 廣州林記書莊
雙門底

傷寒捷徑

羅東生述

俞卓茂錄

振綱論

六氣侵人。惟寒最肅。人之傷寒。爲病則熱。先入太陽。寒水之位。次入少陽。陽明之經。故得病之初。頭痛而脊強。脈浮而發熱。病在太陽。脈緊無汗而惡寒者。爲傷寒。脈緩有汗而惡風者。爲傷風。若頭痛惡寒稍減。脈亦不浮。目眶痛而鼻燥。胃不和而難眠。脈長而大。病在陽明。胸脇疼而耳聾。寒熱嘔而口苦。脈弦而數。病在少陽。此皆可汗而愈。過此則太陰少陰厥陰俱入臟而爲三陰之裏症。蓋有二焉。初起怕

冷不身熱。不頭疼。四肢厥逆。脈微細無力。或脈來沉弱者。爲直中陰經之眞寒症。若不惡寒。反惡熱。狂妄譫語。腹滿痛。不更衣。脈洪大有。或脈來沉實者。爲傳經之實熱症。其或不傳。留於太陽之表。感少陰心腎之精。而躁煩無汗。動本經寒水之氣。而水氣停胸。歸於膀胱之裏。熱入氣。則小便不利而腹脹。熱入血。則瘀血凝結而如狂。至如陽明在經則惡寒而發熱。在腑則惡熱而無寒。此皆弗汗之故。亦有過汗之慮。亡陽則小便難而肢急。心虛則叉手而冒胸。傷於腎則悸眩。暈惕。傷於脾則腹漲滿膨。胃燥而煩躁恣飲。血虛則身痛脈沉。君主衰而驚狂不安。肝氣虛而冲逆頭眩。津液涸以脾約。中氣冷以吐。

虬。何一非汗之之患哉。非特汗也。下之亦然。論曰。病發陽而反下之。熱入血。作結胸。病發於陰而下之。因作痞。較之灑冷水。則寒實結胸。伏飲逆。而引脇痛滿。有大過焉者。所以文蛤散。三白散。十棗湯。繼陷胸瀉心而作也。不然。裏氣和而表未除。柴胡桂枝足矣。何以腹滿而時痛。何以喘汗而矢利。且何以協熱自下而後垂。便秘讖語而身重也耶。而况既汗之。復下之。其禍有不旋踵哉。故陰陽乖而煩躁。寒氣格而吐逆。心中懊懣而不眠。痞鞭噫氣而不除。仲景所以諄諄示戒也。是以虛人外感。補中而帶散。外症未除。發表以攻裏。麻黃人參大柴胡湯。非無意也。誰謂汗下可妄施哉。然汗下有當在急者。失於汗。

則爲癍疹。爲鼻衄。失於下。則爲壯熱。爲身黃。故古人之泄熱。非特汗也。涌吐而有發散之義焉。非特下也。利水而有分清之道焉。此瓜蒂散。茵陳湯。所爲並垂不朽歟。雖然是特言其常耳。至於變也。焉得而盡之。如太陽症。頭痛而發熱。脈當浮而反沉。似少陰矣。少陰症。脈沉。應無熱。而反大熱。又似太陽矣。陰症四逆。陽症亦有四逆。此四逆湯與四逆散不同。陰症下利。陽症亦有下利。此理中湯與黃龍湯大異。少陰背寒。陽明亦有背寒。白虎幾混於附子。陽煩不眠。陰躁亦有不眠。阿膠何異乎乾薑。寒症戴陽。外症類夫白虎。誰則能爲治本。火鬱亢極。脈象無分寒厥。疇則肯用越婢。至如一經病。而他經齊病者。爲

合病一經病未除而兼及他經者爲併病。併病合病皆在陽經。若傳於陰則爲兩感。兩感者既病腑又病臟也。其病臟者乃傳經之熱邪。不然則溫裏救表。洵易易耳。何以云六日死哉。甚矣不可知也。若夫風寒併而骨節煩疼。寒濕搏而膚體腫重。胃寒膈熱則痛而且嘔。血弱氣衰則悸而脈代。陰絡傷而血下溢。水不升而咽燥腫。其見症不又彰明較著者哉。或不卽病藏於經脈。至春病爲溫。夏病爲熱。其症不惡寒而渴。與汗下後過經不解相將。至熱病亦有云暑病者。取夏火司令而言。卽經所云先夏至日爲溫病。後夏至日爲暑病是也。然暑邪有傷有中。自各不同。中者動而得之。陽症也。傷者靜而得之。非

暑所傷。因暑而傷之者也。陰症也。倘如沿門合境。互相傳染者。曰疫。天之厲氣也。症類多端。須憑司天在泉之化氣。太過不及之流行。各隨其陰陽經症治之。庶乎其不差矣。至非其時而有其氣。謂之暴寒。暴寒者何如。春應溫而反寒。夏應熱而反涼。人觸犯之。臟寒者中而爲寒。臟熱者鬱而爲熱。輕者爲感冒。重者亦見六經形症。與傷寒一也。其風寒燥火等症。又何一不遵是爲治法也哉。

首論條序之中。夾以議論。仲景經文得之大概矣。然經文有意在言中者。有意在言外者。有意不盡言。言不盡意者。有諸家註解不符者。有後賢立論附方。補其未備者。若不逐一分晰。難免

涉海問津矣。故復作辨症賦如左。

▲辨症賦

欲精醫學。須讀靈樞。要曉傷寒。當知經絡。先分表裏陰陽。次辨實虛寒熱。太陽狹脊上頭。居毫毛而在表。陽明從胸絡面。連肌肉兮居中。少陽之經行兩側。其氣半在表半在裏。故風寒傷人。先入太陽。次入陽明。又次入少陽。至於少陰主五液。病則欲寐而舌乾。太陰居中州。病則腹滿而吐利。舌捲兮囊縮。消渴兮氣衝。病本厥陰。皆爲裏症。六經既辨。諸症當詳。發熱惡寒者。發於陽也。無熱惡寒者。發於陰也。發於陽者當汗。發於陰者當溫。脈

緊身寒得之中寒。脈虛身熱得之中暑。暑當斂補而清。寒可辛
溫而散。便調身寧。口淡和而腹暢。外熱雖烈。內熱未生。舌乾矢
祕。心煩悶而不安。表證雖輕。裏症尤急。邪盛者爲實。實者難補。
邪得補而愈劇。正怯者爲虛。虛者弗攻。正以攻而益衰。脈息微
兮。奕弱。精神少兮。倦怠。有實症。休將實治。腹膨脹兮。難通。氣粗
豪兮。不靜。無虛症。莫作虛看。陽脈樂其浮洪。貴柔和其胃氣。陰
脈宜乎沉細。喜熱化而相生。未汗脈濡。汗出必然不快。既汗脈
急。汗後難保安康。變症多端。須防逆候。頭痛連胸兮。四肢厥冷。
喘促上氣兮。脈息無神。大便利而色灰。發熱非吉。環口黑而汗

冷身黃可危。陰陽交。汗後熱增。神昏不食。陰陽易。眼花囊腫。脈見離經。鼻衄雖爲欲解。動陰血則爲竭。厥之憂。厥利本屬尋常。反能食則有除中之患。呃逆進而便溲。鼻衄如煤而目陷。更見搖頭髮潤。眼閉遺溺。汗出如珠兮喘急。下利譫語兮躁煩。目視口張。脈弦而勁。犯此數端。皆云莫救。嘗觀頭爲六經之會。痛則多陽。脈爲百脈之宗。逆而作咳。嘔吐不同。嘔者頻兮吐者頓。喘逆各異。喘則促兮逆則衝。瀉利多陰。寒所致。心下硬痛者爲熱。斑疹實火鬱而成。色來滲淡者是寒。少腹滿痛。有氣分血分之辨兮。若小便利而大便黑。畜血無疑。脊背惡寒。有陰盛陽陷之

分兮。倘腹中烙而口中乾。內熱可必。陽氣蒸而汗出於頭。膽經熱而汗流於寐。瘧瘧有風濕寒虛。何節菴偏主夫如聖。妄言有鄭聲譫語。豈雲林概用夫硝黃。脈盈身熱無力者。內有伏陰。猝爾振寒。脈絕者號爲陰伏。又聞衝任爲血脈之海。熱入則夜譫語而見鬼。期門可刺。手足爲諸陽之本。陰進則脈不出而逆冷。太谿當燒。奪血無汗。邪從衄解。吐中有散。感以吐鬆。額汗出而小便難。發黃先兆。心動悸而氣上促。奔豚將來。火位之下。水氣承之。陽極生寒。水位之上。火氣治之。陰極生熱。鼻端燥者必衄。胃氣逆者多嘔。陽虛則晝煩而夜伏。陰虛則晝伏而夜煩。膚痒

問汗之有無。有汗爲虛。無汗爲實。面赤看色之老嫩。色老爲陽。色嫩爲陰。臟虛則築築而動氣。胸實則鬱鬱而唾涎。陽勝陰則不寐。陰勝陽則多眠。胸滿不倫於腹滿。胸滿多氣。而腹滿多物。陰黃難混於陽黃。陰黃色晦。而陽黃色明。小便有寒祕熱祕。多由脾肺之不輸。大便有陽結陰結。總是腸胃之失職。口乾漱水而不咽。有表症則衄。無表證名爲畜血。目昏譫語而妄言。有熱症可治。無熱症號曰神離。疇弗知食穀欲吐。是寒之咎。得湯反劇。爲火所因。便黑善忘。症名畜血。耳旁高腫。病曰發頤。寒熱爲陰陽之相爭。往來無定。潮熱由胃實而亢害。作止有時。陰氣盛

而臟結。頭有汗則爲陽微。消渴甚而恣飲。入卽吐名曰水逆。心腎不交而煩躁。膀胱不約而遺溺。舌胎有黑白紅黃。滑屬寒而燥屬火。霍亂有風寒暑濕。塞則危而通則蘇。胃寒則喜唾而不了。脾寒則得穀而心煩。咽喉閉塞。地氣之不升。目視直眩。水精之內竭。百合者。肺敗而氣不朝脈。狐惑者。胃虛而熱鬱生蟲。吐虵雖曰胃冷。頻則原於濕熱。噦惡羣歸水逆。多由滯而虛寒。豈不思壯火食氣。非苓連而莫制。少火食氣。必桂附而歸原。誤用寒涼。爲噦爲瀉。爲厥。亂投辛熱。發斑發渴。發狂勢緩而行急劑。迫則拂亂其經。病劇而怕劫方。緩則援生何及。以本藥而治本。

病症去當行別議防變病而用變藥。按法可禦將來。臟虛久寒。勿謂身熱而可下。胃實火鬱。莫疑脈伏而難攻。實中有虛。虛中有實。在治療之得法。陰中有陽。陽中有陰。要辨析之無差。所以。渾身火烙。半由溫補而痊。遍體冷寒。亦用涼瀉而愈。便秘不更衣。脈浮兮尙宜解表。下利純清水。脈滑兮猶可通腸。大汗出而煩躁恣飲。是胃汁之燥涸。與水無害。小便秘而消渴。脈浮乃精液之不輸。利便而差。先嘔後渴。邪爲欲解。先渴後嘔。水畜未消。飲水溺多。無陽不化。煩熱鬱冒。汗出而自安。日數雖多。但有表症。尙宜發散。日數雖少。果有裏邪。可用疏通。是宜達變。難以固。

膠。所以桂枝湯爲疎風而設。無汗者誤服而悶絕。麻黃湯爲散寒而興。有汗者誤用而亡陽。葛根治陽明經症。燥盛者宜尋白虎。柴胡本少陽主藥。熱多者當用黃芩。理中附子。主直中之陰邪。生地黃連。導傳經之火熱。腹滿厥冷而吐利。非四逆何以還陽。譫語煩渴而癡狂。必承氣可得而制。白頭翁治熱利而下注。吳茱萸療煩躁而欲嘔。脈微不出。續之以白通猪膽。陽盛不眠。滋之以黃連阿膠。大青龍治風寒兩感。小青龍散水氣停胸。發陰誤下成痞滿。瀉心可服。發陽誤下成結胸。陷胸何疑。悸眩暈。揚。須求真武。膿血便垂。可問桃花。脈沉發熱。麻黃細辛附子。喘。

汗自利。葛根黃芩黃連。五苓散治小便祕結而燥。白虎湯清陽
明汗熱而渴。汗多亡陽。桂枝附子可回。火盛失血。犀角地黃最
佳。桃仁承氣。清畜血如狂。三黃石膏。解三焦鬱熱。黃芩湯解二
陽之合病。黃連湯療寒熱而痛嘔。水乘心而作悸。滲之以茯苓
甘草。脈遲弱而身疼。溫之以黃耆建中。欲飲不渴。求文蛤。痰熱
發黃。問茵陳。梔鼓湯虛煩不寐最要。三白散寒實結胸無雙。咽
喉腫痛。無如甘桔。痰厥頭疼。莫過苦瓜。脈結代兮心悸。炙甘草
之功居多。噫不除兮痞硬。代赭石之效不少。液不歸心而汗作。
斂之以黃耆六一。熱氣內熾而疹生。消之以青黛化斑。保心氣

以桂枝甘草。制水逆以朮瀉二苓。小便數而大便難。假脾約以潤燥。汗出嘔而心下痞。制十棗以去痰。寒盛衰而戴陽。陽衰欲絕。回陽救急莫遲。熱內鬱而肢冷。陰進堪愁。柴胡四逆最的。燒裨湯治陰陽之易復。導赤散醒越經之神昏。潤少陰之喉疼。功歸半夏。發太陽之內陷。責在越婢。去血結以抵當。除虬厥以烏梅。牡蠣澤瀉。利病後之勞復。竹葉石膏。清虛羸之逆煩。下利腹滿而咽疼。豬膚妙絕。喉痺生瘡而聲啞。苦酒神奇。薰法熨法溫陰毒。漬水渥水解陽狂。虛祕有將乎蜜導。過汗因用乎撲法。逍遙散。瘥後勞復神氣爽。溫膽湯。虛怯不寐夢魂長。惟有兩感劇

症最難醫治。能用大羌活湯。間可回生。眞者固多。類者不少。大頭瘟。乃時行之疫癘。普濟飲實對症之良方。痰飲有痰涎之吞吐。脚氣從脚膝而腫疼。傷暑則面垢兮脈虛。傷濕則身重兮脈濇。感冒無六經之形症。停食有噫氣而作酸。陽虛惡寒。李東垣之補中益氣最穩。陰虛發熱。朱丹溪之滋陰降火更詳。近有景岳更著新方。補先賢之未備。啓後學以無疆。溫中飲助陽而作汗。理陰煎養津以驅邪。肺腎涸而痰咳。六君煎滋乎金水。眞精虛而感寒。益氣煎兼以補陰。汗後發熱。一陰煎妙用。寒盛不化。麻桂飲神丹。水衰乎火衰乎。幻而莫測。左歸飲。右歸飲。用之卽

靈。至於病久成虛。虛極生寒。症百出而蜂起。難分寒熱。脈洪數而無倫。莫辨陰陽。休言攻散。大溫脾胃。土爲萬物之母。水爲生化之源。水土衰則百病生。脾腎吐而萬邪息。若夫脈理精微奧化。難以言傳。須存意想。浮大動滑數爲陽。沉濇弱弦微爲陰。陰症得陽脈者生。陽症得陰脈者死。濇緣風濕營傷。責責然如刀刮竹。滑爲痰實氣盛。替替然似珠走盤。浮表沉裏。在舉按重輕。數熱弱虛。看往來奕急。大則病進。猶秋潮之洶洶。微則正衰。若瀉漆之綿綿。動脈具鼓動之形。陰陽相搏。弦脈象琴弦之狀。寒熱多端。此則五數之大概。猶當參考乎脈經。